

CARDO 8614 AS
Øvre Blekeveien 20
5003 BERGEN

Dato	20.01.2022
Vår referanse	2022/2809-3
Dykkar referanse	
Sakshandsamar	Sigrun Wølstad
E-post	Sigrun.Wolstad@vlfk.no
Telefon	96944535

Tilbakemelding etter kulturhistorisk synfaring - Detaljregulering – gnr. 145, bnr. 84 mfl. - planid. 46312021005 - Indre Fosse - Alver kommune

Viser til varsel om oppstart av planarbeid for Indre Fosse, Alver kommune datert 19.11.2021, og vårt brev med varsel om kulturhistorisk synfaring datert 16.12.2021. Vestland fylkeskommune har vurdert saka som regionalt kulturminnemynde.

Den 06.01.2021 vart det gjennomført ei kulturhistorisk synfaring i planområdet. Det vart ikkje gjort funn av automatisk freda kulturminne, og potensialet for nye funn vart vurdert å vera lågt. Vi finn det ikkje naudsynt å gjera ytterlegare undersøkingar i området.

Vi minner om vår kulturminnefaglege merknad i brev datert 16.12.2021:

Planområdet ligg innafor Den Indre Farleia (Askeladden-ID K416), som er eit kulturhistorisk landskap av nasjonal interesse og med høg regional verdi. Vi ser at området har ein utfordrande topografi når det gjeld store høgdeforskjellar, og er sårbart for omfattande terrenginngrep som kan få store konsekvensar for kulturmiljøet i Den Indre Farleia. I kommunedelplanen for Knarvik, Alversund og Alverstraumen er denne delen av Den Indre Farleia lagt inn under omsynssone bevaring av kulturmiljø, som H570_1. I føresegna § 4.2.4 bokstav b) står det mellom anna følgjande for denne omsynssona:

“Kvalitetane i omsynssona for Den indre farleia skal sikrast gjennom ei restriktiv haldning til større inngrep i form av faste eller flyttbare bygningar, konstruksjonar og anlegg, og til andre større inngrep i landskapet. (...) Alle reguleringsplanar og større tiltak innanfor omsynssona, som kan verke inn på eit kulturminne eller forholdet mellom kulturminnet og den indre farleia, skal planleggast, prosjekterast og utførast slik at tiltaket har gode visuelle kvalitetar, både i seg sjølv og i høve til funksjonen til tiltaket og omgjevnadane. Det skal takast omsyn ved plassering og utforming, for å unngå negative estetiske og miljømessige konsekvensar. Ved regulering/søknad skal desse innehalde illustrasjonar/foto som i naudsynt grad skildrar den estetiske verknaden til tiltaket, og visualiserer nærverknad og fjernverknad.”

Som eit utgangspunkt reknar Vestland fylkeskommune med at Alver kommune i denne saka vil ha ei restriktiv haldning til grad av utnytting. I det vidare planarbeidet er det viktig at det vert grundig utgreidd og illustrert i høve dei estetiske verknadene av tiltaket, både kva gjeld nær- og fjernverknad, og vidare at det vert grundig utgreidd korleis tiltaket vil ta omsyn til verneverdiane i Den Indre Farleia.

Vestland fylkeskommune har ingen vidare merknader i høve kulturminne på noverande stadium i planprosessen.

Med helsing

Karoline Hareide Breivik

leiar

KII - Arealplan (Førde)

Sigrun Wølstad

seniorrådgjevar

KII - Arealplan (Førde)

Brevet er elektronisk godkjent og har difor inga handskriven underskrift

Kopi til:

ALVER KOMMUNE

Postboks 4